

Нувуқами лъыган атылгумат игунагмың нунаврыгат – Агвыңалок, Укигалок, Ахтагвик, Нонақ, Акулик, Уйвақ. Кегми аныапитхун аңоқапут ытфихкопут. Итақетыкут агулаққугвилығни Нонағни, Уйвами, Исағни, Ахтагвиғни. Атасимың пимакут Уй-вамун. Таўани углахтут найькухқоғыт. Углат нунаңусимет. Қулигамсугакут таўатын.

Гук, укийьугасапик таўатын ануясоғыт сугумат. Углақ юк тукусимат. Санлуқ амта ытфихьягат юпит. Юит тамум нунам наңысимет, гук. Олғым туңыңаның, гук, ануясоғыт пилгит, тукукугимат юғның, тумыни лъыган ыльығеңың.

Укийьугасак, гук, Нувуқақ юхтупихсахтук. Ынкам нувуқахмит афқуньақумат нунайың. Игунета анльут уйгит айңухумет кавилгеңың айңугусаның. Ыльмыхтының санамаягмыхтының. Сильа нақам пинихқапимаўқ тами ығнығми. Анльугмың унахсемиң санасимат супльулгулуку ынкам пытумат ыпнъамун. Анагъақңан, гук, акуна Имаикльини никугнамауқ. Қаманун пытуглуки капутыт. Игунапигмың нувуқахмит анусимат сильамун. Никумат: санлугмит тукукаманилуки.

Ануясоғыт ығлыҳнилуки Нувуқамун.

Пильугьялгит агихтут Қигниктумың. Ысхагьяқит, таса-ма лъыган агекут, гъаймаугипихтакут. Игунапигмың. Акуна атхангитут сугулгит. Утыгмун қатңумат. Тумыми, гук, сугу-малгит пақытет куйңильхыт. Анльут куйңихқухтыт эгун амальи куйңигмыхтыни ысимат. Мантыгами ысимат анукағақ ынкам ыльтугет.

Анукағақ, гук, аңқунльахтумаўқ. Пытуглуки аңқунун куйңим ныныхқогит акныгит ыпылгит.

Анукағақ нутагинғамалуни, гук, капильыпимаўқ. Такут ануясоғыт куйңильығнун тутңамың, умелгат эгун утуқа амта. Пе, гук, анукағам:

– Утукагукук хъаңкугнун, сивукуль пильальунун. Аңыхтук ануясоқ. Ыльтугағни нукальпегак пек: «Пильасимальуң мыгнухсугнийкума ыхунъакыйык ануясоқ». Пильатук.